

集諸經禮懺悔文

唐西崇福寺釋智昇撰



清刻龍藏佛說法變相圖

集諸經禮懺悔文卷第一

寔三

唐西崇福寺釋智昇撰

一切恭敬

敬禮常住三寶

是諸眾等各各胡跪嚴持香花如法供養願

此香花雲徧滿十方界供養一切佛化佛并

菩薩無數聲聞眾受此香花雲以為光明臺

廣於無邊界無邊無量佛土中受用作佛事

供養已一切恭敬

嚴持香花如法行道一切普誦

如來妙色身 世間無與等 無比不思議

是故今敬禮 如來色無盡 智慧亦復然

一切法常住 是我歸依

敬禮常住三寶

歡佛咒願

如來應供正徧知明行足善逝世間解無上

士調御丈夫天人師佛世尊佛有如是無量

功德歎不能盡以此善根已集當集現集一切善根以此善根資益法界衆生悉得離苦解脫捨邪歸正發菩提心永除三障當見一切諸佛菩薩及善知識恒聞正法福智具足一時作佛

南無東方須彌燈光明如來十方佛等一切

諸佛

南無毗婆尸如來過去七佛等一切諸佛

南無普光如來五十三佛等一切諸佛

南無東方善德如來十方佛等一切諸佛

南無拘那提如來賢劫千佛等一切諸佛

南無釋迦牟尼如來三十五佛等一切諸佛

南無東方阿閼如來十方無量佛等一切諸

佛

南無寶勝佛

南無寶集佛

南無盧舍那敬像佛 南無成就盧舍那佛

南無盧舍那光明佛 南無不動佛

南無大光明佛 南無無量聲如來三稱

南無無量聲如來 南無無量聲如來

南無阿彌陀劬沙佛 南無大稱佛

南無寶光明佛三 南無得大無畏佛

南無燃燈火佛 南無寶聲佛

南無無邊無垢佛 南無月聲佛

南無無邊稱佛 南無日月光明世尊

南無日月光明世尊 南無日月光明世尊

南無無垢光明佛 南無清淨光明佛

南無日光明佛 南無無邊寶佛

南無華勝佛 南無妙身佛

南無法光明清淨開敷蓮華佛

南無虛空功德清淨微塵等目端正功德相

光明華波頭摩瑠璃光寶體香最上香供養
訖種種莊嚴頂髻無量無邊日月光明願力
莊嚴變化莊嚴法界出生無障礙王如來
南無毫相日月光明艷寶蓮華堅如金剛身
毘盧遮那無障礙眼圓滿十方放光照一切

佛刹相王如來

普爲四恩三有法界衆生悉願斷除三障歸
命懺悔如是等一切世界諸佛世尊常住在
世是諸世尊當慈念我憶念我證知我若我
此生若我前生從無始生死已來所作衆罪

塞三

三

若自作若教他作見作隨喜若塔若僧若取
四方僧物若自取若教人取見取隨喜或作
五逆無間重罪若自作若教他作見作隨喜
作十不善道自作教他見作隨喜所作衆罪
或有覆藏或無覆藏應墮地獄餓鬼畜生諸

餘惡趣邊地下賤及篋戾車於如是等處所
作罪障今皆懺悔今諸佛世尊當證知我當
憶念我我復於諸佛世尊前作如是言若我
此生若於餘生曾行布施或守淨戒乃至施
與畜生一搏之食或修淨行所有善根成就

衆生所有善根修行菩提所有善根求無上
智所有善根一切合集計校籌量悉皆迴向
阿耨多羅三藐三菩提如過去未來現在諸
佛所作迴向我亦如是迴向

衆罪皆懺悔諸福盡隨喜及諸佛功德願成
無上智去來現在佛於衆生最勝無量功德
海歸依合掌禮

普一切
普誦

南無摩訶般若波羅蜜是大神呪是大明呪
是無上呪是無等等呪

處世界 如虛空 如蓮華 不著水

心清淨 超於彼 稽首禮 無上尊

願以此功德 普及於一切 我等與衆生

皆共成佛道

禮佛已恭敬

自歸依佛當願衆生體解大道發無上意

自歸依法當願衆生深入經藏智慧如海

自歸依僧當願衆生統理大衆一切無礙

願諸衆生聽說日暮無常偈

今日已過暮夜難保 但觀此身念念衰老

百年常期如何可保 是故衆等勤心行道

諸行無常 是生滅法 生滅滅已 寂滅爲樂

如來證涅槃 永斷於生死 若能至心聽

常得無量樂

十方佛名經

一切恭敬

敬禮常住三寶 一切普誦

如來妙色身 世間無與等 無比不思議

是故今敬禮 如來色無盡 智慧亦復然

一切法常住 是故我歸依

敬禮常住三寶 三寶 歡佛 呪願

天上天下無如佛 十方世界亦無比

世界所有我盡見 一切無有如佛者

敬禮釋迦牟尼佛

敬禮當來彌勒尊佛

敬禮東方善德如來一切諸佛

敬禮東南方無憂德如來一切諸佛

敬禮南方栴檀德如來一切諸佛

敬禮西南方寶施如來一切諸佛

敬禮西方無量明如來一切諸佛

敬禮西北方花德如來一切諸佛

定三

五

敬禮北方相德如來一切諸佛

敬禮東北方三乘行如來一切諸佛

敬禮上方廣衆德如來一切諸佛

敬禮下方明德如來一切諸佛

敬禮賢劫千佛千五百佛

敬禮五百花首百億金剛藏佛

敬禮三十五佛五十三佛

敬禮過現未來三世諸佛

敬禮舍利形像浮圖廟塔

敬禮十二部尊經甚深法藏

敬禮諸大菩薩一切賢聖

爲二十八天釋梵王等敬禮常住三寶

爲諸龍神等風雨順時敬禮常住三寶

爲過現諸師恒爲導首敬禮常住三寶

爲天皇天后聖化無窮敬禮常住三寶

爲諸王公主文武百官敬禮常住三寶

爲現存父母諸善知識敬禮常住三寶

爲十方施主六度圓滿敬禮常住三寶

爲此國過往諸人神生淨土敬禮常住三寶

爲僧伽藍神并諸眷屬敬禮常住三寶

爲四方寧靜兵甲休息敬禮常住三寶

爲三塗八難受苦衆生敬禮常住三寶

爲法界衆生永除三障歸命懺悔

至心懺悔

十方無量佛 所知無不盡 我今悉於前

發露悔諸惡 三三合九種 從三煩惱起

今身若前身 有罪盡懺悔 於三惡道中

若應受業報 願得今身償 不入惡道受

懺悔已歸命禮三寶

至心勸請

十方一切佛 現在成道者 我請轉法輪

安樂諸衆生 十方一切佛 若欲捨壽命

我今頭面禮 勸請令久住

勸請已歸命禮三寶

至心隨喜

所有布施福 持戒修禪行 從身口意生

去來今所有 習行三乘人 具足三乘者

一切凡夫福 衆等皆隨喜

隨喜已歸命禮三寶

至心迴向

三

我所有福德 一切皆和合 爲諸衆生故

正迴向佛道

迴向已歸命禮三寶

至心發願

願諸衆生等 悉發菩提心 繫心常思念

十方一切佛 復願諸衆生 永破諸煩惱

了了見佛性 猶如妙德等

發願已歸命禮三寶

諸大德欲求寂滅樂當學沙門法衣食繼身

命精麤隨衆等衆等今朝某日僧各六念六

三

七

念已禮佛恭敬

自歸依佛當願衆生體解大道發無上意

自歸依法當願衆生深入經藏智慧如海

自歸依僧當願衆生統理大衆一切無礙

願諸衆生三業清淨奉持尊教和南聖衆

大集經呪

南無佛陀耶 胡嚧嚧 悉度嚧 遮賦婆

訖利波 悉檀尼 步嚧尼 娑婆訶

此呪出大集經誦一遍當誦十二部經一遍

又當禮萬五千佛名四十萬八千五百遍又

持呪人身上如大地微塵如是等罪普皆消滅

南無救苦觀世音菩薩摩訶薩

南無救苦觀世音菩薩摩訶薩

南無救苦觀世音菩薩摩訶薩

向來稱揚十念功德廣大善根資益亡者花臺花閣空裏相迎寶座寶床垂虛接引摩尼殿上聽說苦空般若池中蕩除心垢觀音化佛爲作證明彌勒座前分明受記六親眷屬七族因緣百福莊嚴天龍衛護三塗息苦地獄停酸大及亡靈俱時離苦和南聖衆

檀爲萬行首捨著離慳貪是故今施主持財奉布施以此勝善根果報無窮盡逮及苦衆生當來成佛道施粥偈天帝釋說

持戒清淨人所奉 恭敬隨時以粥施

十利饒益於行者 色力壽樂詞清辯

宿食風除飢渴消 是名良藥佛所說

欲得生天長受樂 應當以粥施衆僧

南無十方無邊際 去來現在一切佛

等空不動真如智 清淨皎識庵摩羅

性淨法身毗盧遮 圓滿報應盧舍那

應化色身千百億 釋迦牟尼現娑婆

三佛體同一切爾 故我頂禮諸佛陀

南無十方無邊際 去來現在一切佛

諸佛身如新明鏡 我心淨若摩尼珠

諸佛悉來入我身 我還徧入諸佛軀

彼此相入如鏡像 無來無去體空虛

無障無礙無生滅 故我頂禮心真如

南無十方無邊際 去來現在一切佛

諸佛真身並如鏡 善現聖凡真身相
一一身現一切身 一切身中身無量
法性清淨體空融 身相涉入而無障
法身圓滿遍法界 故我頂禮如來藏
南無十方無邊際 去來現在一切佛
聖凡心唯真如來 具足一切功德財
智慧光明恒普照 自性清淨心本開
常樂我淨真識智 清淨不變始終明
久乘如道成正覺 故我頂禮心如來
南無十方無邊際 去來現在一切佛
法身實相真如智 湛然圓滿遍世界
一切諸法藏總持 總持是心能善誓
不信見聞及覺知 無知見覺覺真正
自覺覺他佛無二 故我頂禮身佛性
南無十方無邊際 去來現在一切佛

正真正道大悲心 自性清淨極懸深
非修非作無見得 離名絕想叵思尋
悲作有無微難見 諸魔外道莫能侵
常住圓滿無增減 故我頂禮菩提心
南無十方無邊際 去來現在一切佛
佛與衆生性本淨 始終自如久恒正
清淨寂軀極微密 體無生滅性恒安
已無分別無增減 萬德圓滿寂無端
具八自在真常樂 故我頂禮大涅槃
南無十方無邊際 去來現在一切佛
聖凡心性久如如 無有是非一切離
三界六道體寂滅 唯有性空第一義
朗然普照常寂淨 欲顯真如與言寄
了達諸法無能所 故我頂禮般若智
南無十方無邊際 去來現在一切佛

聖凡心性空無因 普照十方無邊際
眞如寂體滿虛空 實相湛然遍法界
一切諸佛諸法藏 總持是心能善誓
無有一法不淨心 故我頂禮大明慧
南無十方無邊際 去來現在一切佛
聖凡心性本來眞 自性清淨與言陳
非空非有無能所 亦復能爲諸法因
建立生長一切法 無能無所無能人
寂而常用無增減 故我頂禮法性身
南無十方無邊際 去來現在一切佛
聖凡心性體空寂 實三 久離無明癡暗冥
常然性戒定慧炬 解脫知見知見燈
五衆和合無違諍 寂光普照無愛憎
五分法身常清淨 故我頂禮無爲僧
南無十方無邊際 去來現在一切佛

聖凡心性離名色 而見名色相莊嚴
淨心法身是一等 能見諸色等法性
智身法身報應同 色身不二體空寂
隨感應化一切身 故我頂禮衆賢聖
於此平等禮 不禮無不禮 一禮徧含識
同會實相體
一心敬禮常住三寶
普請歸依佛 諸魔種子除 眞如平等顯
現性般無餘 普請歸依法 恒沙經藏開
總持心境內 無去亦無來 普請歸依僧
啓道入如流 無諍神光顯 同歸般若舟
至心懺悔
總懺六根諸見罪 昔日迷眞誤執眞
今知眞妄元來一 生死寂靜涅槃因
通達法燈光內照 菩提妙相絕疎親

無礙慧王師子吼 碎諸煩惱作微塵
一一塵中無量佛 一一佛現無邊身
恒沙功德於中現 一切三寶總持心
平等真如真淨土 金剛性海慧光深
悉願衆生同證此 普請開心見法身

一文殊師利禮法身佛文

至心歸命禮 真如法身佛 願共諸衆生
同歸真如海 無色無形相 無根無住處
不生不滅故 敬禮無所觀 不去亦不住
不取亦不捨 遠離六入故 敬禮無所觀
出過於三界 等同於虛空 諸欲不染故
敬禮無所觀 於諸威儀中 去來及睡寤
常在寂靜故 敬禮無所觀 去來悉平等
已住於平等 不壞平等故 敬禮無所觀
入諸無相定 見諸法寂靜 常入寂靜故

敬禮無所觀 諸佛虛空相 虛空亦無相
離諸因果故 敬禮無所觀 虛空無中邊
諸佛身亦然 心同虛空故 敬禮無所觀
諸佛虛空相 虛空亦無相 離諸因果故
敬禮無所觀 佛常在世間 而不染世法
不分別世間 敬禮無所觀 諸法猶如幻
如幻不可得 離諸幻法故 敬禮無所觀
以此平等禮 無禮無不禮 一禮徧含識
同會實相體
普爲四恩三有及六趣衆生斷除三障發菩
提心歸命懺悔
至心懺悔弟子等自從無始已來迷本逐癡
情妄謂身心故自他分別生由斯起惡業虛
受六道形觀察尋其主了不見真源三毒貪
瞋海真實是泥洹今日自懺悔不復縱情端

寒三

十二

千萬劫衆罪銷融一念間懺悔已至心歸命禮三寶

至心勸請十方三世大慈尊唯願常住莫涅槃三界衆生迷未悟如何早得見真源將心逐心不自覺虛妄顛倒求沉淪唯願慈尊哀受請種種方便引羣生勸請已至心歸命禮三寶

至心隨喜過去已成佛其數如恒沙來末修學者速長菩提芽三界無根本猶如虛空花唯願諦思入正受共遊法界家隨喜已至心歸命禮三寶

至心迴向無始已來心流浪未曾一念正迴向今日始悟心無生昔來迷昏自生障唯願學人如諸佛離念分別正迴向迴向已至心歸命禮三寶

至心發願願一切衆生見心源速離煩惱越苦海早證身中大涅槃唯願慈尊加護念莫滯有無諸見生發願已至心歸命禮三寶此即依華嚴經發十大願

第一願者願弟子等一切劫中一切生處常恭敬供養一切諸佛盡未來際無有休息

第二願者願弟子等常受持一切諸佛如來甚深法藏即自開解不由他悟盡未來際無有休息

第三願者願弟子等一切諸佛坐道場處常於是中攝法爲首請轉法輪盡未來際無有休息

第四願者願弟子等常行一切菩薩大願大行盡未來際無有休息

第五願者願弟子等常能教化一切衆生若

卵生若胎生若濕生若化生若有色若無色
若有想若無想若非有想若非無想我皆令
入無餘涅槃如是滅度無量無邊衆生實無
衆生得滅度者盡未來際無有休息

第六願者願弟子等常知一切諸佛國土如
對目前盡未來際無有休息

第七願者願弟子等常能嚴淨一切諸佛國
土盡未來際無有休息

第八願者願弟子等常不離一切諸佛菩薩
及善知識同心修行集諸善根盡未來際無
有休息

第九願者願弟子等所有三業若有衆生見
聞者無有空過如大藥王樹如意珠身盡
未來際無有休息

第十願者願弟子等成正覺轉大法輪度脫

一切衆生盡未來際無有休息

願以此禮佛行道懺悔發願燒香燃燈所修
一切善根悉以迴施一切衆生願今一切衆
生永離一切地獄餓鬼畜生閻羅王受苦處
常生人天中見佛聞法發菩提心修菩薩行
又願以此善根迴向無上菩提不求世間生
死果報又願以此善根迴向具如法界海

第三

十四

集諸經禮懺悔文卷第一

音釋

艷

以膽切

蔑戾車

梵語也此云惡見蔑
其結切戾耶計切

集諸經禮懺悔文卷第二

寔四

唐西崇福寺釋智昇撰

至心歸命禮西方阿彌陀佛

此即讚西方禮阿彌陀佛文

觀彼彌陀極樂界廣大寬平衆寶成

四十八願莊嚴起超諸佛刹最爲精

本國他方大海衆窮劫算數不知名

寔四

普勸歸西同彼會恒沙三昧自然成

願共諸衆生往生安樂國

至心歸命禮西方阿彌陀佛

地下莊嚴七寶幢無量無邊無億數

八方八面百寶成見彼無生自然悟

無生寶國永爲常一一寶流無數光

行者傾心常對目騰神踊躍入西方

願共諸衆生往生安樂國

至心歸命禮西方阿彌陀佛

地上莊嚴轉無極金繩界道非工匠

彌陀願智巧莊嚴菩薩人天散花上

寶池寶色寶光飛一一光成無數臺

臺中寶樓千萬億臺側百億寶幢圍

願共諸衆生往生安樂國

至心歸命禮西方阿彌陀佛

一一臺上虛空中莊嚴寶樂亦無窮

八種清風尋光出隨時鼓樂應機音

機音正受稍爲難行住坐臥攝心觀

唯除睡時常憶念三昧無爲即涅槃

願共諸衆生往生安樂國

至心歸命禮西方阿彌陀佛

寶國寶林諸寶樹寶華寶葉寶根莖

或以千寶分林異或有百寶共成行

行行相當葉相次色各不同光亦然

等量齊高三十萬 枝條相觸說無因

願共諸衆生 往生安樂國

至心歸命禮西方阿彌陀佛

七重羅網七重宮 綺素迴光相映發

化天童子皆充徧 瓔珞輝光超日月

是四

行行寶葉色千般 華敷等若旋金輪

廣變光成衆寶蓋 塵沙佛刹現無邊

願共諸衆生 往生安樂國

至心歸命禮西方阿彌陀佛

寶池寶岸寶金沙 寶渠寶葉寶蓮華

十二由旬皆正等 寶羅寶網寶欄遮

德水分流尋寶樹 聞波觀樂證恬怕

寄語有緣同行者 努力翻迷還本家

願共諸衆生 往生安樂國

至心歸命禮西方阿彌陀佛

一一金繩界道上 寶樂寶樹千萬億

諸天童子散華香 他方菩薩如雲集

無量無邊無能計 稽首彌陀恭敬立

風鈴樹響徧虛空 歎說三尊無有極

願共諸衆生 往生安樂國

至心歸命禮西方阿彌陀佛

彌陀本願華三座 一切衆寶以為城

臺上四重張寶幔 彌陀獨坐顯真形

真形光明徧法界 蒙光觸者心不退

晝夜六時專想念 終時快樂如三昧

是四

三

願共諸衆生 往生安樂國

至心歸命禮西方阿彌陀佛

彌陀身心徧法界 影現衆生心想中

是故勸汝常觀察 依心起相觀真容

真容寶像臨華座 心開見彼國莊嚴

寶樹三身華徧滿 風鈴樂響與門同

願共諸衆生 往生安樂國

至心歸命禮西方阿彌陀佛

彌陀身色如金山 相好光明照十方

唯有念佛蒙光攝 當知本願最爲強

十方如來舒舌證 專稱名號至西方

到彼花開聞妙法 十地願行自然彰

願共諸衆生 往生安樂國

至心歸命禮西方阿彌陀佛

觀音菩薩大慈悲 已得菩提捨不證

一切五道內身中 六時觀察三輪應

應現身光紫金色 相好威儀轉無極

恒舒百億光玉手 接引有緣歸本國

願共諸衆生 往生安樂國

至心歸命禮西方阿彌陀佛

勢至菩薩難思議 威光普照無邊際

有緣衆生蒙光觸 增長智慧超三界

法界傾搖如轉蓬 化佛菩薩滿虛空

普勸有緣常念佛 永絕胞胎證六通

願共諸衆生 往生安樂國

至心歸命禮西方阿彌陀佛

正坐結跏入三昧 想心乘念至西方

覩見彌陀極樂界 地上虛空七寶莊

彌陀身量極無邊 重勸衆生觀小身

丈六八尺隨機現 圓光化侍等眞前

願共諸衆生 往生安樂國

至心歸命禮西方阿彌陀佛

上輩上行上根人 求生淨土斷貪瞋

就行差別分三品 五門相續助三因

一日七日專精進 畢命乘臺出六塵

慶哉難逢今得遇 永證無爲法相身

願共諸衆生 往生安樂國

至心歸命禮西方阿彌陀佛

中輩中行中根人 一日齋戒處金蓮

孝養父母教迴向 爲說西方快樂因

佛與聲聞衆來聚 直到彌陀華座前

百寶花籠經七日 三品蓮開增小身

願共諸衆生 往生安樂國

至心歸命禮西方阿彌陀佛

下輩下行下根人 十惡五逆等貪瞋

四重偷僧謗正法 未曾慙愧悔前愆

終時苦相皆雲集 地獄猛火罪人前

忽遇往生善知識 急勸專稱彼佛名

化佛菩薩尋聲到 一念傾心入寶蓮

三業障重開經劫 于時始發菩提因

五八七

願共諸衆生 往生安樂國

至心歸命禮西方阿彌陀佛

樂何諦事難思議 無邊菩薩爲同學

性海如來盡是師 渴聞般若絕思漿

念佛無生即斷飢 一切莊嚴皆說法

無心領納自然知 七寶花池隨意入

八輩凝神會一枝 彌陀心水沐身頂

觀音大勢與衣披 歛爾騰空遊法界

須臾授記號無爲 如此逍遙極樂處

吾今不去待何時

願共諸衆生 往生安樂國

至心歸命禮西方阿彌陀佛

哀愍覆護我 令法種增長 此世及後生

願佛常攝受

願共諸衆生 往生安樂國

至心歸命禮西方極樂世界觀世音菩薩

願共諸衆生 往生安樂國

至心歸命禮西方極樂世界大勢至菩薩

願共諸衆生 往生安樂國

至心歸命禮西方極樂世界諸菩薩清淨大

海衆

願共諸衆生 往生安樂國

普爲師僧父母及善知識法界衆生斷除三

障同得往生阿彌陀佛國歸命禮懺悔

至心懺悔

南無歸懺十方佛 願滅一切諸罪根

今將久近所修善 迴作自他安樂因

唯願一切臨終時 勝緣勝境悉現前

願觀彌陀大悲主 觀音勢至十方尊

仰惟神光蒙接手 乘佛願力生彼國

懺悔迴向發願已

至心歸命禮阿彌陀佛

說偈言說此偈已更當心口發願願弟子臨

命終時心不顛倒心不錯亂心不失念身心

無諸苦痛身心快樂如入禪定聖衆現前乘

佛本願上品上生阿彌陀佛國到彼國已得

六神通迴入十方界救攝苦衆生虛空法界

盡我願亦如是發願已

至心歸命禮阿彌陀佛

大衆欲作西方業 初夜獨坐自思量

莫言久住閻浮地 會有一日即無常

命如當風一條燭 亦如石中一電光

此身康強不苦行 臨渴掘井水難望

願共諸衆生 往生安樂國

今觀此身實可厭 種種不淨假名身

三百碎骨相支柱 徧體何曾有片真
香粉塗身無厭足 畢竟地下成灰塵
煩惱熾盛何曾歇 終是流浪三塗因
普勸道場諸衆等 真心念佛入真門
願共諸衆生 往生安樂國

是四

貪嗔六賊元虛假 妄想悠悠循臭身
夢裏種種縱橫去 忽覺寂滅並虛然
四大無常歸糞土 冤鬼零落若箇邊
生時財物他人用 自身唯得紙泥錢
爲此佛在西方國 努力相勸用心鑄

願共諸衆生 往生安樂國
至心歸命禮西方阿彌陀佛
發願生佛國聖衆普應知 今生蒙佛教不敢
更生疑一日七日專精進定得西方花上期
願共諸衆生 往生安樂國

淨土快樂無人去 地獄苦報競鑽頭
聞惡一聲不惜死 善法未肯至心求
死墮阿鼻十八獄 輪迴受苦何時休
願共諸衆生 往生安樂國

歸去來魔鄉輪迴不可停 曠劫來流轉六道
盡皆經到處無餘事 唯聞生死聲爲此生年
後入彼涅槃城

願共諸衆生 往生安樂國

觀彼彌陀極樂界廣大寬平衆寶城雲華作
行無有數擬待此地善衆生五濁欲修十善
業第一專誦彌陀經心口稱佛無厭足命終
菩薩自來迎

願共諸衆生 往生安樂國
至心歸命禮西方阿彌陀佛
諦觀西方有一國其國有佛號彌陀一坐說

法恒沙劫普爲世界斷諸魔極樂城中登聖
座諸天圍遶悉來過八萬四千菩薩衆奉持
花果散娑婆

願共諸衆生 往生安樂國

普爲梵釋四王天龍八部帝主人王師僧父

母及善知識法界衆生斷除三障同得往生

阿彌陀佛國

歸命懺悔

諸行無常是生滅法生滅滅已寂滅爲樂

如來入涅槃 永斷於生死 若能至心聽

常得無量樂

南無本師釋迦牟尼佛等一切三寶我今稽

首禮迴願往生無量壽國

南無十方三世盡虛空徧法界微塵刹土中

一切三寶我今稽首禮迴願往生無量壽國

定四

南無西方極樂世界阿彌陀佛願共衆生咸
歸命故我頂禮生彼國

南無西方極樂世界無量光佛願共衆生咸

歸命故我頂禮生彼國

南無西方極樂世界無邊光佛願共衆生咸

歸命故我頂禮生彼國

南無西方極樂世界無礙光佛願共衆生咸

歸命故我頂禮生彼國

南無西方極樂世界無對光佛願共衆生咸

歸命故我頂禮生彼國

定四

九

南無西方極樂世界焰王光佛願共衆生咸

歸命故我頂禮生彼國

南無西方極樂世界清淨光佛願共衆生咸

歸命故我頂禮生彼國

南無西方極樂世界歡喜光佛願共衆生咸

歸命故我頂禮生彼國

南無西方極樂世界智慧光佛願共衆生成
歸命故我頂禮生彼國

南無西方極樂世界不斷光佛願共衆生成
歸命故我頂禮生彼國

南無西方極樂世界難思光佛願共衆生成
歸命故我頂禮生彼國

南無西方極樂世界無稱光佛願共衆生成
歸命故我頂禮生彼國

南無西方極樂世界超日月光佛願共衆生
咸歸命故我頂禮生彼國

南無西方極樂世界阿彌陀佛哀愍覆護我
令法種增長此世及後生願佛慈悲常攝受
願共衆生成歸命故我頂禮生彼國
南無西方極樂世界觀世音菩薩摩訶薩願

共衆生成歸命故我頂禮生彼國

南無西方極樂世界大勢至菩薩摩訶薩願
共衆生成歸命故我頂禮生彼國

南無西方極樂世界諸尊菩薩摩訶薩清淨
大海衆願共衆生成歸命故我頂禮生彼國

普爲上界梵釋四王天龍八部帝主人王師
僧父母及善知識法界衆生悉願斷除三障

同得往生阿彌陀佛國歸命懺悔

南無普光佛

南無普明佛

南無普淨佛

南無多摩羅跋旃檀香佛

南無旃檀光佛

南無摩尼幢佛

南無歡喜藏摩尼寶積佛

南無一切世間樂見上大精進佛

南無摩尼幢燈光佛

南無慧炬照佛

南無海德光明佛

南無金剛牢強普散金光佛

南無大強精進勇猛佛

南無大悲光佛

南無慈力王佛

南無慈藏佛

變四

南無旃檀窟莊嚴勝佛

+

南無賢善首佛

南無善意佛

南無廣莊嚴王佛

南無金剛華佛

南無寶蓋照空自在王佛

南無虛空寶華光佛

南無瑠璃莊嚴王佛

南無普現色身光佛

南無不動智光佛

南無降伏諸魔王佛

南無才光明佛

南無智慧勝佛

南無彌勒仙光佛

南無世靜光佛

南無善寂月音妙尊智王佛

變四

南無龍種上尊王佛

南無日月光佛

南無日月珠光佛

南無慧幢勝王佛

南無師子吼自在力王佛

南無妙音勝佛

南無常光幢佛

南無觀世燈佛

南無慧威燈王佛

南無法勝王佛

南無須彌光佛

南無須曼那華光佛

南無優鉢羅華殊勝王佛

南無大慧力王佛

南無阿閼毗歡喜光佛

南無無量音聲王佛

南無才光佛

南無金海光佛

南無山海慧自在通王佛

南無大通光佛

南無一切法常滿王佛

此五十三佛名者乃是過去久遠舊住娑婆世界成熟衆生而般涅槃若有善男子善女人及餘一切衆生得聞是五十三佛名者是人於百千萬億阿僧祇劫不墮惡道若復有人能誦是五十三佛名者除滅四重五逆及謗方等經皆悉清淨以是諸佛本誓願故於念念中即得除滅如上諸罪

此華嚴偈九

一切衆生類 皆悉三世攝 三世諸衆生 皆爲五陰攝 五陰諸衆生 皆悉從業起 諸業因心起 心法猶如幻 衆生亦如是 凡衆生皆不得漫瞋瞋時忍即誦此四偈 瞋是忍辱花 忍是瞋家果 花生便摘却 果生何處坐

但人受菩薩戒八勝法偈

第一趣道勝 第二發心勝 第三功德勝

第四福田勝 第五受罪輕微勝

第六處胎勝 第七神通勝 第八果報勝

此四偈亦是受菩薩戒法偈

金剛無等解脫道 十力雄猛震三千

破壞外道尼乾衆 不與魔邪作因緣

此四偈亦是菩薩戒香湯法

西方溫池水八德 雪山童子補香湯

澡浴凡夫表裏淨 唯願速生彌陀家

此四偈亦是戒法

實四

戒如明日月 亦如瓔珞珠 微塵菩薩衆

由戒成正覺

此四偈是破戒偈

破戒如弦斷 持戒若施弦 臨陣空牽挽

如何若向前

此八偈是大智度論偈

世間人心動 愛好福果報 而不好福田
求有不求滅 先聞邪見法 心著而深入
我是甚深法 無信云何解

此四偈亦須修善業

莫言

十三

汝得人身不修道 如向寶山空手歸

汝今自造還自受 號咷啼哭知向誰

阿彌陀佛呪

那謨菩提夜

那謨僧伽夜

哆姪他

都娑鞞

阿弭唎哆鼻

伽那稽唎夜

波迦嚩

阿弭唎𑖀

阿弭唎哆多婆鞞

迦蘭𑖀

迦嚩婆囉𑖀

焰迦嚩

娑婆訶

伽弭你伽

合香之法 沉香一兩 𦰩香一兩

熏陸香一兩 甘松香一兩 零陵香一兩

甲香一兩_{已下文} 丁香一兩 白交香真_{文五}

鷄舌香_{文十二} 青木香一兩 香附子_{文十}

白檀香一兩 搗羅取末以蜜和之

云何 梵

云何得長壽 金剛不壞身 復以何因緣

得大堅固力 云何於此經 究竟到彼岸

願佛開微密 廣為衆生說

戒香 定香 慧香 解脫香

解脫知見香

光明雲臺徧法界 供養十方無量佛

見聞普熏證寂滅 一切衆生亦如是

南無東方善德如來十方佛等一切諸佛

南無拘那提如來賢劫千佛等一切諸佛

南無釋迦牟尼如來三十五佛等一切諸佛	南無釋迦牟尼佛	南無金剛不壞佛	南無龍尊王佛	南無精進幢寶光佛	南無精進喜佛	南無寶炎佛	南無現無愚佛	南無無垢王佛	南無勇施佛	南無清淨施佛	南無水天佛	南無旃檀功德佛	南無光德佛	南無那羅延佛	南無憂德佛	南無功德華佛	南無蓮華光遊戲神通佛
-------------------	---------	---------	--------	----------	--------	-------	--------	--------	-------	--------	-------	---------	-------	--------	-------	--------	------------

南無財功德佛	南無德念佛	南無善名稱功德佛	南無紅炎帝幢王佛	南無善遊步功德佛	南無鬪戰勝佛	南無善遊步佛	南無周匝莊嚴功德佛	南無寶華遊步佛	南無寶蓮華善住娑羅樹王佛	南無東方阿閼如來十方無量佛等一切諸佛	南無寶集如來二十五佛等一切諸佛	南無寶勝佛	南無成就盧舍那佛	南無盧舍那敬像佛
--------	-------	----------	----------	----------	--------	--------	-----------	---------	--------------	--------------------	-----------------	-------	----------	----------

定四

十四

定四

十五

南無盧舍那光明佛

南無不動佛

南無無量聲如來

南無無量聲如來

南無阿彌陀劬沙佛

南無大稱佛

南無得大無畏佛

南無實聲佛

南無月聲佛

南無日月光明世尊

南無日月光明世尊

南無日月光明世尊

南無無垢光明佛

南無日光明佛

南無華勝佛

南無大光明佛

南無無量聲如來

南無寶光明佛

南無燃燈火佛

南無無邊無垢佛

南無邊稱佛

南無清淨光明佛

南無無邊寶佛

南無妙身佛

南無法光明清淨開敷蓮華佛

此二十五佛出
佛名經第八卷

南無虛空功德清淨微塵等目端正功德相

光明華波頭摩瑠璃光寶體香最上香供養

訖種種莊嚴頂髻無量無邊日月光明願力

莊嚴變化莊嚴法界出生無障礙王如來

禮佛功德若有善男子善女人犯四重五逆

誹謗三寶及犯四波羅夷是人罪重假使如

閻浮提履地變為微塵一一微塵成於一劫

是人若有若干劫罪稱是一佛名號禮拜者是

上等罪皆消滅是人功德不可思議

南無毫相日月光明艷寶蓮華堅如金剛身

毗盧遮那無障礙眼圓滿十方放光照一切

佛刹相王如來

此佛名號出十二佛名神
呪校量功德除障滅罪經

南無過現未來十方三世一切諸佛歸命懺悔至心懺悔如是等一切世界諸佛世尊常住在世是諸世尊當慈念我憶念我證知我若我前生從無始生死已來所作衆罪若自作若教他作見作隨喜若塔若僧若取四方卷四僧物若自取若教人取見取隨喜或作五逆十六無間重罪若自作若教他作見作隨喜十不善道自作教他見作隨喜所作罪障或有覆藏或無覆藏墮地獄餓鬼畜生及諸惡趣邊地下賤及蔑戾車如是等處所作罪障今皆懺悔

今諸佛世尊當證知我當憶念我我復於諸佛世尊前作如是言若我此生若於餘生曾行布施或守淨戒乃至施與畜生一搏之食或修淨行所有善根成就衆生所有善根修

行菩提所有善根及無上智所有善根一切卷四合集計校籌量皆悉迴向阿耨多羅三藐三菩提如過去未來現在諸佛所作迴向我亦如是迴向迴向已歸命禮三寶十七

衆罪皆懺悔 諸福盡隨喜 及諸佛功德願成無上智 去來現在佛 於衆生最勝無量功德海 我今歸命禮

一切普誦

如來妙色身 世間無與等 無比不思議是故今敬禮 如來色無盡 智慧亦復然一切法常住 是故我歸依

降伏心過惡及以身四種已到難伏地是故禮法王知一切爾炎智慧身自在攝持一切法是故今敬禮敬禮過稱量敬禮無譬類敬禮無邊德敬禮難思議哀愍覆護我令法種

增長此世及後生願佛常攝受

摩訶盧訶隸阿羅遮羅多羅莎訶

明梵

處世界 如虛空 如蓮華 不著水

心清淨 超於彼 稽首禮 無上尊

說偈
呪願

願以此功德 普及於一切 我等與衆生

皆共成佛道

自歸依佛當願衆生體解大道發無上意

自歸依法當願衆生深入經藏智慧如海

自歸依僧當願衆生統理大衆一切無礙

願請衆生諸惡莫作諸善奉行自淨其意是

諸佛教和南聖衆諸衆等各說無常偈

諸行無常 是生滅法 生滅滅已 寂滅爲樂

如來證涅槃 永斷於生死 若能至心聽

常得無量樂

晝夜六時
發願文

十方三世諸佛當證弟子某甲等爲一切衆

生觀一切三寶爲一切衆生禮一切三寶爲

一切衆生供養一切三寶爲一切衆生於一

切三寶前行道爲一切衆生於一切三寶前

懺悔爲一切作佛像轉經供養衆僧供養一

切衆行六波羅蜜四攝四無量一切行等已

集一切善根以此善根願令一切三塗地獄

衆生一切貧窮衆生一切生老病死衆生一

切獄囚繫閉衆生一切破亡流徙衆生一切

不自在衆生一切邪見顛倒衆生等悉得離

苦解脫捨邪歸正發菩提心永除三障常見

一切諸佛菩薩及善知識恒聞正法福智具

足一時作佛

又以此善根願令一切衆生皆悉上品往生
一切淨土先證無生法忍然後度一切衆生
又以此善根願令一切三寶一切國土常得
安隱恒不破壞四方寧靜兵甲休息龍王歡
喜風調雨順五穀熟成萬民安樂禮佛功德
廣大如法界究竟如虛空盡未來際供養一
切三寶終無有休息隨意靜默量時任唱初
夜半夜後夜午時平明日沒唱靜六時禮拜
佛法大綱晝三夜三各嚴持香華入塔觀像
默供養行道禮佛平明及與午時並別唱五
十三佛餘皆總唱日暮初夜並別唱三十五
佛餘皆總唱半夜並別唱二十五佛餘皆總
唱觀此七階佛如在目前思惟如來所有功
德廣作如是清淨懺悔
上來布置禮佛綱軌次第多少悉是故信行

禪師依經自行此法於今徒衆亦常相續依
行不絕但以現無正文流傳恐欲學者無所
依據是以故集此文流通於世願後學者依
文讀誦不增不減

集諸經禮懺悔文卷第二

音釋

欬許勿切 鐫千泉切
忽也 雕刻也

集諸經禮懺悔文卷第三

寔五

唐西崇福寺釋智昇撰

往生禮讚偈一卷勸一切衆生願生西方極樂世界阿彌陀佛國六時禮讚偈謹依大乘經及龍樹天親此土沙門等所造往生禮讚集在一處分作六時唯欲相續係心助成往益亦願曉悟未聞遠沾遐代耳何者

第一依釋迦及十方諸佛讚歎彌陀十二光名勸稱禮念定生彼國十九拜當日沒時禮第二謹依大乘經採集要文以爲禮讚偈二十三拜當初夜時禮

第三依龍樹菩薩願生禮讚偈十六拜當中夜時禮

第四依天親菩薩願生禮讚偈二十拜當後夜時禮

第五依彥琮法師願往生禮讚偈二十二拜當辰朝時禮

第六僧善導願往生禮讚偈依十六觀作二十拜當午時禮

問曰今欲勸人往生者未知是爲安心起行作業定得往生彼國土也答曰必欲生彼國土者如觀經說先具三心必得往生何者爲三一者至誠心所謂身業禮拜彼佛口業讚歎稱揚彼佛意業專念觀察彼佛凡起三業必須真實故名至誠心二者深心即是真實信心信知自身是具足煩惱凡夫善根薄少流轉三界不出火宅今信知彌陀本弘誓願及稱名號下至十聲聞等定得往生乃至一念無有疑心故名深心三者迴向發願心所作一切善根悉皆迴願往生故名迴向發願

心具此三心必得生也若少一心即不得生
如觀經具說應知

又如天親淨土論云

若有願生彼國者勸修五念門五門若具定
得往生何者爲五一者身業禮拜門所謂一

心專至恭敬合掌香華供養禮拜彼阿彌陀
佛禮即專禮彼佛畢命爲期不雜餘禮故名
禮拜門二者口業讚歎門所謂專憶讚歎彼
佛身相光明一切聖衆身相光明及彼國中
一切寶莊嚴光明等故名讚歎門三者意業

憶念觀察門所謂專意念觀彼佛及一切聖
衆身相光明國土莊嚴等如觀經說唯除睡
時恒憶恒念恒想恒觀此事等故名觀察門
四者作願門所謂專心若晝若夜一切時一
切處三業四威儀所作功德不問初中後皆

須真實心中發願願生彼國故名作願門五
者迴向門所謂專心若自作善根及一切三
乘五道一一聖凡等所作善根深生隨喜如
諸佛菩薩所作隨喜我亦如是隨喜以此隨
喜善根及已所作善根皆悉與衆生共之迴

向彼國故名迴向門又到彼國已得六神通
迴入生死教化衆生徹窮後際心無厭足乃
至成佛亦名迴向門五門既具定得往生一
門與上三心合隨起業行不問多少皆名真
實業也應知

建五

又觀行四修法用策三心五念之行速得往
生何者爲四一者恭敬修所謂恭敬禮拜彼
佛及彼一切聖衆等故名恭敬修畢命爲期
誓不中止即是長時修二者無餘修所謂專
稱彼佛名專念專想專禮專讚彼佛及一切

聖衆等不雜餘業故名無餘修畢命爲期誓
不中止即是長時修三者無間修所謂相續
恭敬禮拜稱名讚歎憶念觀察迴向發願心
心相續不以餘業來間故名無間修又不以
貪瞋煩惱來間隨犯隨懺不令隔念隔時隔
日常使清淨亦名無間修畢命爲期誓不中
止即是長時修又菩薩已免生死所作善法
迴求佛果即是自利教化衆生盡未來際即
是利他然今時衆生悉爲煩惱繫縛未免惡
道生死等苦隨緣起行一切善根且速迴願
往生彌陀佛國到彼國已更無所畏如上四
修自然任運自利利他無不具足應知
又如文殊般若云欲明一行三昧唯勸獨處
空閑捨諸亂意係心一佛不觀相貌專稱名
字即於念中得見彼阿彌陀佛及一切佛等

問曰何故不令作觀直遣專稱名字者有何
意也答曰乃由衆生障重境細心麤識颺神
飛觀難成就是以大聖悲憐直勸專稱名字
正由稱名易故相續即生問曰旣遣專稱一
佛何故境現即多此豈非邪正相交一多雜
現也答曰佛佛齊證形無二別縱使念一見
多乖何大道理也
又如觀經云行觀坐觀禮念等皆須面向西
方者最勝如樹先傾倒必隨曲故必有事礙
不及向西方者但作向西想亦得問曰一切
諸佛三身同證悲智果圓亦應無二隨方禮
念課稱一佛亦應得生何故偏歎西方勸專
禮念等有何義也答曰諸佛所證平等是一
若以願行來拔非無因緣然彌陀世尊本發
深重誓願願以光明名號攝化十方但使信

心求念上盡一形下至十聲一聲等以佛願力易得往生是故釋迦及以諸佛勸向西方爲別異爾亦非是稱念餘佛不能除障滅罪也應知若能如上念念相續畢命爲期者十即十生百即百生何以故無外雜緣得正念

定五

故與佛本願得相應故不違教故隨順佛語故若欲捨專修雜業者百時希得一二千時希得五三何以故乃由雜緣亂動失正念故與佛本願不相應故與教相違故不順佛語故係念不相續故憶想間斷故迴願不殷重真實故貪瞋諸見煩惱來間斷故無有慚愧懺悔心故懺悔有三品一要二略三廣如下具說隨意用皆得又不相續念報彼佛恩故心生輕慢雖作業行常與名利相應故人我自覆不親近同行善知識故樂近雜緣自障

障他往生正行故何以故爾比自見聞諸方

定五

三

道俗解行不同專雜有異但使專意作者十即十生修雜不至心者千中無十此二行得失如前已辨仰願一切往生人等善自思量已能令身願生彼國者行住坐臥必須勵心尅已晝夜莫廢畢命爲期止在一形似如少苦前念命終後念即生彼國長時求劫常受無爲法樂乃至成佛不經生死豈非快哉應知

第一佛勸禮讚阿彌陀佛十二光名求願往生一十九拜當日沒時禮取中下懺悔亦得南無釋迦牟尼佛等一切三寶我今稽首禮迴願往生無量壽國此之一佛現是今時道俗等師言三寶者即是福田無量若能禮之一拜即是念報師恩以成已行以斯一行迴

願往生

南無十方三世盡虛空遍法界微塵刹土中一切三寶

我今稽首禮迴願往生無量壽國然十方虛空無邊三寶無盡若禮一拜即是福田無量功德無窮能至心禮之一拜一一佛上一一法上一一菩薩聖僧上一一舍利上皆得身口意業解脫分善根來資益行者以成已業以斯一行迴願往生

南無西方極樂世界阿彌陀佛

願共衆生咸歸命故我頂禮生彼國問曰何故號爲阿彌陀答曰彌陀經及觀經云彼佛光明無量照十方國無所障礙唯覓念佛衆生攝取不捨故名阿彌陀彼佛壽命及其人衆無量無邊阿僧祇劫故名阿彌陀

又釋迦佛及十方佛讚歎彌陀光明有十二種名普勸衆生稱名禮拜相續不斷者現世得無量功德命終之後定得往生如無量壽經說云其有衆生遇斯光者三垢消滅身意柔軟歡喜踊躍善心生焉若在三塗勤苦之處見此光明無復苦惱壽終之後皆蒙解脫無量壽佛光明顯赫照耀十方諸佛國土莫不聞焉不但我今稱其光明一切諸佛聲聞緣覺諸菩薩衆咸共歎譽亦復如是若有衆生聞其光明威神功德日夜稱說至心不斷者隨其所願得生其國常爲諸菩薩聲聞之衆所共歎譽稱其功德佛言我說無量壽佛光明威神巍巍殊妙晝夜一劫尚不能盡白諸行者當知彌陀身相光明釋迦如來一劫說不能盡者如觀經云一一光明遍照十方

世界念佛衆生攝取不捨今既經觀有如此
不思議增上勝緣攝護行者何不相續稱觀
禮念願往生也應知

南無西方極樂世界無量光佛

願共衆生咸歸命故我頂禮生彼國

室

南無西方極樂世界無邊光佛

七

願共衆生咸歸命故我頂禮生彼國

南無西方極樂世界無礙光佛

願共衆生咸歸命故我頂禮生彼國

南無西方極樂世界無對光佛

願共衆生咸歸命故我頂禮生彼國

南無西方極樂世界光炎王佛

願共衆生咸歸命故我頂禮生彼國

南無西方極樂世界清淨光佛

願共衆生咸歸命故我頂禮生彼國

南無西方極樂世界歡喜光佛

願共衆生咸歸命故我頂禮生彼國

南無西方極樂世界智慧光佛

願共衆生咸歸命故我頂禮生彼國

南無西方極樂世界不斷光佛

願共衆生咸歸命故我頂禮生彼國

南無西方極樂世界難思光佛

願共衆生咸歸命故我頂禮生彼國

南無西方極樂世界無稱光佛

願共衆生咸歸命故我頂禮生彼國

南無西方極樂世界超日月光佛

願共衆生咸歸命故我頂禮生彼國

南無西方極樂世界阿彌陀佛

哀愍覆護我 今法種增長 此世及後生

願佛當攝受

願共衆生咸歸命故我頂禮生彼國

南無西方極樂世界觀世音菩薩

願共衆生咸歸命故我頂禮生彼國

南無西方極樂世界大勢至菩薩

願共衆生咸歸命故我頂禮生彼國

此二菩薩一切衆生臨命終時共持花臺授

與行者阿彌陀佛放大光明照行者身復與

無數化佛菩薩聲聞大衆等一時授手如彈

指頃即得往生爲報恩故至心禮之拜一

南無西方極樂世界諸菩薩清淨大海衆

願共衆生咸歸命故我頂禮生彼國

此等諸菩薩亦隨佛來迎接行者爲報恩故

至心禮之拜一

普爲師僧父母及善知識法界衆生斷除三

障同得往生阿彌陀佛國歸命懺悔

至心懺悔南無歸懺十方佛願滅一切諸罪根

今將久近所修善 迴作自他安樂因

恒願一切臨終時 勝緣勝境悉現前

願觀彌陀大悲主 觀音勢至十方尊

仰惟神光蒙授手 乘佛願力生彼國

懺悔迴向發願已 至心歸命阿彌陀

次作梵

說偈發願出寶性論

禮懺諸功德 願臨命終時 見無量壽佛

無邊功德身 我及餘信者 既見彼佛已

願得離垢眼 往生安樂國 成無上菩提

禮懺已一切恭敬

歸佛得菩提 道心恒不退 歸法薩婆若

得大總持門 歸僧息諍論 同入和合海

迴願往生無量壽國

願諸衆生三業清淨奉持佛教和南一切賢
聖迴願往生無量壽國

人間忽忽營衆務 不覺年命日夜去

如燈風中滅難期 忙忙六道無定趣

未得解脫出苦海 云何安然不驚懼

各聞强健有力時 自策自勵求常住

說此偈已更當心口發願願弟子臨命終時

心不顛倒心不錯亂心不失念身心無諸苦

痛身心安隱快樂如入禪定聖衆現前乘佛

本願上品往生阿彌陀佛國到彼國已得六

神通迴入十方界救攝苦衆生虛空法界盡

我願亦如是發願已

至心歸命禮阿彌陀佛

初夜偈云

煩惱深無底 生死海無邊 度苦船未立

云何樂睡眠 男猛勤精進 攝心常在禪

勤修六度行 菩提道自然

中夜偈云

汝起勿抱臭屍臥 種種不淨假名人

如得重病箭入體 衆苦痛集安可眠

後夜偈云

時光遷流轉 忽至五更初 無常念念至

恒與死王居 勸諸行道者 勤學至無餘

平旦偈云

欲求寂滅樂 當學沙門法 衣食支身命

精羸隨衆等

諸衆等今日晨朝各記六念

日中偈云

人生不精進 喻若樹無根 採花置日裏

能得幾時鮮 人命亦如是 無常須臾間

勸諸行道衆 勤修乃至眞

第二比丘善導謹依大乘經採集要文以爲

讚偈二十三拜當初夜時禮懺悔同前後

至心歸命禮西方阿彌陀佛

彌陀智願海 深廣無涯底 聞名欲往生

皆悉到彼國 願共諸衆生 往生安樂國

至心歸命禮西方阿彌陀佛

於此世界中 六時有七億 不退諸菩薩

皆當得生彼 願共諸衆生 往生安樂國

至心歸命禮西方阿彌陀佛

小行諸菩薩 及修少福者 其數不可計

皆當得生彼 願共諸衆生 往生安樂國

至心歸命禮西方阿彌陀佛

十方佛刹中 菩薩比丘衆 窮劫不可計

卷五

十二

皆當得往生 願共諸衆生 往生安樂國

至心歸命禮西方阿彌陀佛

一切諸菩薩 各贊天妙華 寶香無價衣

供養彌陀佛 願共諸衆生 往生安樂國

至心歸命禮西方阿彌陀佛

咸然奏天樂 暢發和雅音 歌歎最勝尊

供養彌陀佛 願共諸衆生 往生安樂國

至心歸命禮西方阿彌陀佛

慧日照世間 消除生死雲 恭敬遶三匝

稽首彌陀佛 願共諸衆生 往生安樂國

至心歸命禮西方阿彌陀佛

小行諸菩薩 及修少福者 其數不可計

皆當得生彼 願共諸衆生 往生安樂國

至心歸命禮西方阿彌陀佛

十方佛刹中 菩薩比丘衆 窮劫不可計

徧照十方國 願共諸衆生 往生安樂國

至心歸命禮西方阿彌陀佛

迴光圓遶身 三匝從頂入 一切天人衆

踊躍皆歡喜 願共諸衆生 往生安樂國

至心歸命禮西方阿彌陀佛

梵聲如雷震 八音暢好響 十方來正七

吾悉知彼願 願共諸衆生 往生安樂國

至心歸命禮西方阿彌陀佛

至彼嚴淨土 便速得神通 必於無量尊

受記成等覺 願共諸衆生 往生安樂國

至心歸命禮西方阿彌陀佛

奉事億如來 飛化徧諸刹 恭敬歡喜去

還到安養國 願共諸衆生 往生安樂國

至心歸命禮西方阿彌陀佛

若人無善本 不得聞佛名 憍慢弊懈怠

難以信此法 願共諸衆生 往生安樂國

至心歸命禮西方阿彌陀佛

宿世見諸佛 則能信此事 謙敬聞奉行

踊躍大歡喜 願共諸衆生 往生安樂國

至心歸命禮西方阿彌陀佛

其有得聞彼 彌陀佛名號 歡喜至一心

皆當得生彼 願共諸衆生 往生安樂國

至心歸命禮西方阿彌陀佛

設滿大千火 直過聞佛名 聞名歡喜讚

皆當得生彼 願共諸衆生 往生安樂國

至心歸命禮西方阿彌陀佛

萬年三寶滅 此經住百年 爾時聞一念

皆當得生彼 願共諸衆生 往生安樂國

至心歸命禮西方阿彌陀佛

佛世甚難值 人有信心難 遇聞希有法

此復最爲難 自信教人信 難中轉更難

大悲傳普化 眞成報佛恩 願共諸衆生

往生安樂國

至心歸命禮西方阿彌陀佛

哀愍覆護我 今法種增長 此世及後生

願佛常攝受 願共諸衆生 往生安樂國

至心歸命禮西方阿彌陀佛觀世音菩薩

願共諸衆生 往生安樂國

至心歸命禮西方阿彌陀佛大勢至菩薩

願共諸衆生 往生安樂國

至心歸命禮西方阿彌陀佛諸菩薩清淨大

海衆

願共諸衆生 往生安樂國

普爲師僧父母善知識法界衆生斷除三障

同得往生阿彌陀佛國歸命懺悔

第三依龍樹菩薩願生禮讚偈一十六拜當

中夜時禮懺悔同前後

至心歸命禮西方阿彌陀佛

稽首天人所恭敬 阿彌陀佛兩足尊

在彼微妙安樂國 無量佛子衆圍繞

故我頂禮彌陀佛

願共諸衆生 往生安樂國

至心歸命禮西方阿彌陀佛

金色身淨如山王 奢摩他行如象步

兩目淨若青蓮花 故我頂禮彌陀佛

願共諸衆生 往生安樂國

至心歸命禮西方阿彌陀佛

面善圓淨如滿月 威光猶如千日月

聲若天鼓俱翅羅 故我頂禮彌陀佛

願共諸衆生 往生安樂國

至心歸命禮西方阿彌陀佛

觀音頂戴冠中住 種種妙相寶莊嚴

能伏外道魔憍慢 故我頂禮彌陀佛

願共諸衆生 往生安樂國

至心歸命禮西方阿彌陀佛

無比無垢廣清淨 衆德皎潔如虛空

所作利益得自在 故我頂禮彌陀佛

願共諸衆生 往生安樂國

至心歸命禮西方阿彌陀佛

十方名聞菩薩衆 無量諸魔常讚歎

爲諸衆生願力住 故我頂禮彌陀佛

願共諸衆生 往生安樂國

至心歸命禮西方阿彌陀佛

金底寶澗池生華 善根所成妙臺座

於彼座上如山王 故我頂禮彌陀佛

願共諸衆生 往生安樂國

至心歸命禮西方阿彌陀佛

十方所來諸佛子 顯現神通至安樂

瞻仰尊顏常恭敬 故我頂禮彌陀佛

願共諸衆生 往生安樂國

至心歸命禮西方阿彌陀佛

諸有無常無我等 亦如水月電影露

爲衆說法無名字 故我頂禮彌陀佛

願共諸衆生 往生安樂國

至心歸命禮西方阿彌陀佛

彼尊佛刹無惡名 亦無女人惡道怖

衆人至心敬彼佛 故我頂禮彌陀佛

願共諸衆生 往生安樂國

至心歸命禮西方阿彌陀佛

彼尊無量方便境 無有諸趣惡知識

往生不退至菩提 故我頂禮彌陀佛

願共諸衆生 往生安樂國

至心歸命禮西方阿彌陀佛

我說彼尊功德事 衆善無邊如海水
所作善根清淨者 迴施衆生生彼土

願共諸衆生 往生安樂國

至心歸命禮西方阿彌陀佛

哀愍覆護我 令法種增長 此世及後生

願佛常攝受

願共諸衆生 往生安樂國

至心歸命禮西方極樂世界觀世音菩薩

願共諸衆生 往生安樂國

至心歸命禮西方極樂世界大勢至菩薩

願共諸衆生 往生安樂國

至心歸命禮西方極樂世界諸菩薩清淨大

海衆

願共諸衆生 往生安樂國

集諸經禮懺悔文卷第三

集諸經禮懺悔文卷第四

寔六

唐西崇福寺釋智昇撰

普爲師僧父母及善知識法界衆生斷除三障同往生阿彌陀佛國歸命懺悔

至心懺悔自從無始受身來恒以十惡加衆

寔六

生不孝父母謗三寶造作五逆不善業以是

衆罪因緣故妄想顛倒生纏縛應受無量生死苦頂禮懺悔願滅除懺悔已至心歸命阿彌陀佛

至心勸請諸佛大慈無上尊恒以空慧照三

界衆生盲冥不覺知永沉生死大苦海爲拔

群生離諸苦勸請常住轉法輪勸請已至心

歸命阿彌陀佛

至心隨喜歷劫已來懷嫉妬我慢放逸由癡

生恒以瞋恚毒害火焚燒智慧慈善根今日

思惟始惺悟發大精進隨喜心隨喜已至心歸命阿彌陀佛

至心迴向流浪三界內癡愛入胎獄生已歸老死沉沒於苦海我今修此福迴生安樂土迴向已至心歸命阿彌陀佛

至心發願願捨胎藏形往生安樂國速見彌陀佛無邊功德身奉觀諸如來賢聖亦復然獲六神通力救攝苦衆生虛空法界盡我願亦如是發願已至心歸命阿彌陀佛餘悉同上法第四依天親菩薩願往生禮讚偈二十拜當

後夜時禮懺悔同前後

至心歸命禮西方阿彌陀佛

世尊我一心 歸命盡十方 無礙光如來

願生安樂國

至心歸命禮西方阿彌陀佛

觀彼世界相 勝過三界道 究竟如虛空

廣大無邊際 願共諸衆生 往生安樂國

至心歸命禮西方阿彌陀佛

正道大慈悲 出世善根生 淨光明滿足

如鏡日月輪 願共諸衆生 往生安樂國

至心歸命禮西方阿彌陀佛

備諸珍寶性 具足妙莊嚴 無垢光焰熾

明淨曜世間 願共諸衆生 往生安樂國

至心歸命禮西方阿彌陀佛

寶華千萬種 彌覆池流泉 微風動華葉

交錯光亂轉 願共諸衆生 往生安樂國

至心歸命禮西方阿彌陀佛

宮殿諸樓閣 觀十方無礙 雜樹異光色

寶欄徧圍遶 願共諸衆生 往生安樂國

至心歸命禮西方阿彌陀佛

無量寶交絡 羅網徧虛空 種種鈴發響

宣吐妙法音 願共諸衆生 往生安樂國

至心歸命禮西方阿彌陀佛

梵音悟深遠 微妙聞十方 正覺阿彌陀

法王善住持 願共諸衆生 往生安樂國

至心歸命禮西方阿彌陀佛

如來淨華衆 正覺華化生 愛樂佛法味

禪三昧爲食 願共諸衆生 往生安樂國

至心歸命禮西方阿彌陀佛

求離身心惱 愛樂常無間 大乘善根界

等無譏嫌名 願共諸衆生 往生安樂國

至心歸命禮西方阿彌陀佛

女人及根缺 二乘種不生 衆生所願樂

一切能滿足 願共諸衆生 往生安樂國

至心歸命禮西方阿彌陀佛

無量大寶王 微妙淨華臺 相好光一尋

色像超羣生 願共諸衆生 往生安樂國

至心歸命禮西方阿彌陀佛 如須彌山王

天人不動衆 清淨智海王 往生安樂國

勝妙無過者 願共諸衆生 往生安樂國

至心歸命禮西方阿彌陀佛 雨天樂華衣

天人丈夫衆 恭敬遶瞻仰 往生安樂國

妙香等供養 願共諸衆生 往生安樂國

至心歸命禮西方阿彌陀佛 一念及一時

安樂國清淨 常轉無垢輪 往生安樂國

利益諸羣生 願共諸衆生 往生安樂國

至心歸命禮西方阿彌陀佛 能令速滿足

讚佛諸功德 無有分別心 往生安樂國

功德大寶海 願共諸衆生 往生安樂國

至心歸命禮西方阿彌陀佛

哀愍覆護我 令法種增長 此世及後生

願佛常攝受 願共諸衆生 往生安樂國

至心歸命禮西方極樂世界觀世音菩薩

願共諸衆生 往生安樂國

至心歸命禮西方極樂世界大勢至菩薩

願共諸衆生 往生安樂國

至心歸命禮西方極樂世界諸菩薩清淨大

海衆

願共諸衆生 往生安樂國

普爲師僧父母及善知識法界衆生斷除三

遮六

四

障同得往生阿彌陀佛國歸命懺悔

第五依彥琮法師願往生禮讚偈二十二拜

當旦起時禮懺悔同前後

至心歸命禮西方阿彌陀佛

法藏因彌遠 極樂果還深 異珍參作地

衆寶間爲林 華開希有色 波揚寶相音
何當蒙授手 一遂往生心 願共諸衆生
往生安樂國

至心歸命禮西方阿彌陀佛
濁世難還入 淨土願途深 金繩直界道

珠網縵垂林 見色皆眞色 聞音悉法音
莫謂西方遠 唯須十念心 願共諸衆生

往生安樂國

至心歸命禮西方阿彌陀佛

已成窮理聖 眞有徧空威 在西時現小

俱是暫隨機 葉珠相映飾 沙水共澄輝

欲得無生早 彼土必須依 願共諸衆生

往生安樂國

至心歸命禮西方阿彌陀佛

五山臺獨朗 寶手印恒分 地水俱爲鏡

寶六

五

香華同作雲 業深成易往 因淺實難聞
必望除疑惑 超然獨不羣 願共諸衆生
往生安樂國

至心歸命禮西方觀世音菩薩
千輪明足下 五道現光中 悲引恒無絕

人歸亦未窮 口宣猶在定 心靜更飛通
聞名皆願往 日發幾華鬘 願共諸衆生

往生安樂國

至心歸命禮西方大勢至菩薩

慧力標無上 身光備有緣 動搖諸寶國

侍坐一金蓮 鳥羣非實鳥 天類豈眞天

須知求妙樂 會是戒香全 願共諸衆生

往生安樂國

至心歸命禮西方阿彌陀佛

心帶眞慈滿 光舍法界圓 無緣能攝物

有想定非難 華隨本心變 官移身自安

希聞出世境 須共入禪看 願共諸衆生

往生安樂國

至心歸命禮西方阿彌陀佛

迴向漸爲功 西方路稍通 寶幢承厚地

天香入遠風 開華香布水 覆網細分空

願生何意切 正爲樂無窮 願共諸衆生

往生安樂國

至心歸命禮西方阿彌陀佛

欲選當生處 西方最可歸 間樹開重閣

滿道布鮮衣 香飯隨心至 寶殿逐身飛

有緣皆得入 只是往人稀 願共諸衆生

往生安樂國

至心歸命禮西方阿彌陀佛

十劫道先成 嚴界引羣萌 金沙徹水照

玉葉滿枝明 鳥本珠中出 人唯華上生

敢請西方聖 早晚定相迎 願共諸衆生

往生安樂國

至心歸命禮西方阿彌陀佛

十方諸佛國 盡是法王家 偏求有緣地

冀得早無邪 八功如意水 七寶自然華

於彼心能係 當必往非賒 願共諸衆生

往生安樂國

至心歸命禮西方阿彌陀佛

淨國無衰變 一立古今然 光臺千寶合

音樂八風宣 池多說法鳥 空滿散華天

得生不畏退 隨早晚開蓮 願共諸衆生

往生安樂國

至心歸命禮西方阿彌陀佛

坐華非一像 聖衆亦難量 蓮開人獨處

波生法自揚 無災由處靜 不退爲朋良
問彼前生輩 來斯幾劫強 願共諸衆生
往生安樂國

至心歸命禮西方阿彌陀佛
光舒救毗舍 宮立引韋提 天來香蓋捧

人去寶衣賫 六時聞鳥合 四寸踐華低

相看無不正 豈復有長迷 願共諸衆生

往生安樂國

至心歸命禮西方阿彌陀佛
普爲弘三福 咸令滅五燒 發心功已至

係念罪便消 鳥化珠光轉 風好樂聲調
俱忻行道易 寧愁聖果遙 願共諸衆生

往生安樂國

至心歸命禮西方阿彌陀佛
珠色仍爲水 金光即是臺 到時華自散

隨願葉還開 遊池更出沒 飛空互往來
真心能向彼 有善併修迴 願共諸衆生
往生安樂國

至心歸命禮西方阿彌陀佛
洗心甘露水 悅目妙華雲 同生機易識

等壽量難分 樂多無廢道 聲遠不妨聞

如何貪五濁 安然火自焚 願共諸衆生

往生安樂國

至心歸命禮西方阿彌陀佛
臺裏天人現 光中侍者看 懸空四寶閣

臨迥七重欄 疑多邊地久 得少上生難
且莫論餘願 西望心已安 願共諸衆生

往生安樂國

至心歸命禮西方阿彌陀佛
六根常合道 三途永絕名 念頃遊方徧

還時得忍成 地平無極廣 風長是處清

寄言有心輩 共出一危城 願共諸衆生

往生安樂國

至心歸命禮西方阿彌陀佛

哀愍覆護我 令法種增長 此世及後生

願佛常攝受 願共諸衆生 往生安樂國

至心歸命禮西方極樂世界觀世音菩薩

願共諸衆生 往生安樂國

至心歸命禮西方極樂世界大勢至菩薩

願共諸衆生 往生安樂國

至心歸命禮西方極樂世界諸菩薩清淨大

海衆

願共諸衆生 往生安樂國

普爲師僧父母及善知識法界衆生斷除三

障同得往生阿彌陀佛國歸命懺悔

第六比丘善導願往生禮讚偈依十六觀作

二十拜當中時禮

懺悔同
前後

至心歸命禮西方阿彌陀佛

觀彼彌陀極樂界 廣大寬平衆寶成

四十八願莊嚴起 超諸佛刹最爲精

本國他方大海衆 窮劫算數不知名

普勸歸西同彼會 恒沙三昧自然成

願共諸衆生 往生安樂國

至心歸命禮西方阿彌陀佛

地下莊嚴七寶幢 無量無邊無億數

八方八面百寶成 見彼無生自然悟

無生寶國未爲常 一一寶流無數光

行者傾心常對目 騰神踊躍入西方

願共諸衆生 往生安樂國

至心歸命禮西方阿彌陀佛

地上莊嚴轉無極 金繩界道非工匠
彌陀願智巧莊嚴 菩薩人天散華上
寶地寶色寶光飛 一一光成無數臺
臺中寶樓千萬億 臺側百億寶幢圍
願共諸衆生 往生安樂國

至心歸命禮西方阿彌陀佛

一一臺上虛空中 莊嚴寶樂亦無窮
八種清風尋光出 隨時鼓樂應機音
機音正受稍爲難 行住坐臥攝心觀
唯除睡時常憶念 三昧無爲即涅槃

願共諸衆生 往生安樂國

至心歸命禮西方阿彌陀佛

寶國寶林諸寶樹 寶華寶葉寶根莖
或以千寶分林異 或有百寶共成行
行行相當葉相次 色各不同光亦然

等量齊高三十萬 枝條相觸說無因
願共諸衆生 往生安樂國
至心歸命禮西方阿彌陀佛

七重羅網七重宮 綺互迴光相映發
化天童子皆充徧 瓔珞輝光超日月

行行寶葉色千般 善敷等若旋金輪
果變光成衆寶蓋 塵沙佛刹現無邊

願共諸衆生 往生安樂國

至心歸命禮西方阿彌陀佛

寶池寶岸寶金沙 寶渠寶葉寶蓮花

度六

十二由旬皆正等 寶羅寶網寶欄遮

德水分流尋寶樹 聞波觀樂證恬怕

寄語有緣同行者 努力翻迷還本家

願共諸衆生 往生安樂國

至心歸命禮西方阿彌陀佛

一一金繩界道上 寶樂寶樹千萬億
諸天童子散香華 他方菩薩如雲集
無量無邊無能計 稽首彌陀恭敬立
風鈴樹響徧虛空 歎說三尊無有極
願共諸衆生 往生安樂國

至心歸命禮西方阿彌陀佛

彌陀本願華王座 一切衆寶以爲成
臺上四幢張寶縵 彌陀獨坐顯真形
眞形光明徧法界 蒙光觸者心不退
晝夜六時專想念 終時快樂如三昧

願共諸衆生 往生安樂國

至心歸命禮西方阿彌陀佛

彌陀身心徧法界 影現衆生心想中
是故勸汝常觀察 依心起相表眞容
眞容寶像臨華座 心開見彼國莊嚴

實六

土

寶樹三身華徧滿 風鈴樂響與文同

願共諸衆生 往生安樂國

至心歸命禮西方阿彌陀佛

彌陀身色如金山 相好光明照十方

唯有念佛蒙光攝 當知本願最爲強

十方如來舒舌證 專稱名號至西方

到彼華臺聞妙法 十地願行自然彰

願共諸衆生 往生安樂國

至心歸命禮西方阿彌陀佛

觀音菩薩大慈悲 已得菩提捨不證

一切五道內身中 六時觀察三輪應

應現身光紫金色 相好威儀轉無極

恒舒百億光王手 普接有緣歸本國

願共諸衆生 往生安樂國

至心歸命禮西方阿彌陀佛

勢至菩薩難思議 威光普照無邊際
有緣衆生蒙光觸 增長智慧超三界
法界傾搖如轉蓬 化佛雲集滿虛空
普勸有緣常憶念 永絕胞胎證六通
願共諸衆生 往生安樂國

至心歸命禮西方阿彌陀佛

正坐跏趺入三昧 想心乘念至西方
覩見彌陀極樂界 地上虛空七寶粧
彌陀身量極無邊 重勸衆生觀小身
丈六八尺隨機現 圓光化佛等前真

願共諸衆生 往生安樂國

至心歸命禮西方阿彌陀佛

上輩上行上根人 求生淨土斷貪瞋
就行差別分三品 五門相續助三因
一日七日專精進 畢命乘臺出六塵

第六

十二

慶哉難逢今得遇 求證無爲法性身

願共諸衆生 往生安樂國

至心歸命禮西方阿彌陀佛

中輩中行中根人 一日齋戒處金蓮

孝養父母教迴向 爲說西方快樂因

佛與聲聞衆來取 直到彌陀華座邊

百寶華籠經七日 三品蓮開證小真

願共諸衆生 往生安樂國

至心歸命禮西方阿彌陀佛

下輩下行下根人 十惡五逆等貪瞋

四重偷僧謗正法 未曾慙愧悔前愆

終時苦相皆雲集 地獄猛火罪人前

忽遇往生善知識 急勸專稱彼佛名

化佛菩薩尋聲到 一念傾心入寶蓮

三業障重開多劫 于時始發菩提因

願共諸衆生 往生安樂國

至心歸命禮西方阿彌陀佛

樂何諦事難思議 無邊菩薩爲同學
性海如來盡是師 渴聞般若絕思漿
念服無生即療飢 一切莊嚴皆說法
無心領納自然知 七覺花池隨意入
八輩凝神會一枝 彌陀心水沐身頂
觀音勢至與衣披 歛爾騰空遊法界
須臾授記號無爲 如此逍遙無極處
吾今不去待何時

願共諸衆生 往生安樂國

至心歸命禮西方阿彌陀佛

哀愍覆護我 令法種增長 此世及後生

願佛常攝受

願共諸衆生 往生安樂國

至心歸命禮西方阿彌陀佛觀音勢至諸菩薩清淨大海衆

願共諸衆生 往生安樂國

普爲師僧父母及善知識法界衆生斷除三障同得往生阿彌陀佛國歸命懺悔

上二品懺悔發願等同前須要中要取初須略中略取中須廣中廣取下其廣者就實有心願生者而勸或對四衆或對十方佛或對舍利尊像大衆或對一人或獨自等又向十方盡虛空三寶及盡衆生界等具向發露懺悔懺悔有三品上中下上品懺悔者身毛孔中血流眼中血出者名上品懺悔中品懺悔者徧身熱汗從毛孔出眼中血流者名中品懺悔下品懺悔者徧身徹熱眼中淚出者名下品懺悔此等三品雖有差別即是久種解

脫分善根人致使令生敬法重人不惜身命
乃至小罪若懺即能徹心徹髓能如此懺者
不問久近所有重障頓皆滅盡若不如此縱
使日夜十二時急走終是無益若不作者應
知雖不能流淚流血等但能真心徹到者即

第六

十四

與上同

敬白十方諸佛十二部經一切賢聖及一切
天龍八部法界衆生現前大衆等證知我某
甲發露懺悔從無始已來乃至今身殺害一
切三寶師僧父母六親眷屬善知識法界衆
生不可知數偷盜一切三寶師僧父母六親
眷屬善知識法界衆生物不可知數於一切
三寶師僧父母六親眷屬善知識法界衆生
上起邪心不可知數妄語欺誑一切三寶師
僧父母六親眷屬善知識法界衆生不可知

數綺語調弄一切三寶師僧父母六親眷屬
善知識法界衆生不可知數惡口罵辱誹謗
毀訾一切三寶師僧父母六親眷屬善知識
法界衆生不可知數兩舌鬪亂破壞一切三
寶師僧父母六親眷屬善知識法界衆生不
可知數或破五戒八戒十戒十善戒二百五
十戒五百戒菩薩三聚戒十無盡戒乃至一
切戒及一切威儀戒等自作教他見作隨喜
不可知數如是等衆罪亦如十方大地無邊
微塵無數我等作罪亦無邊無數虛空無邊
我等作罪亦復無邊法界無邊亦如上法性
無邊亦如上方無邊亦如上如是等罪上
至諸菩薩下至聲聞緣覺所不能知唯佛與
佛乃能知我罪之多少今於三寶前法界衆
生前發露懺悔不敢覆藏唯願十方三寶法

界衆生受我懺悔憶我清淨始從今日願共
法界衆生捨邪歸正發菩提心慈心相向佛
眼相看作菩提眷屬作眞善知識同生阿彌
陀佛國乃至成佛如是等罪永斷相續更不
敢作懺悔已

至心歸命阿彌陀佛

禮懺竟

若入觀及睡時應發此願若坐若立一心合
掌正面向西十聲稱阿彌陀佛觀音勢至諸
菩薩清淨大海衆竟弟子現是生死凡夫罪
障深重輪迴六道苦不可言今遇善知識得
聞彌陀本願名號一心稱念求願往生願佛
慈悲不捨本弘誓願攝受弟子不識彌陀佛
身相光明願佛慈悲示現弟子身相觀音勢
至諸菩薩等及彼世界清淨莊嚴光明等相

道此語已一心正念即隨意入觀及睡或有
正發願時即得見之或有睡時得見此願比
來亦大有現驗問曰稱念禮觀阿彌陀佛現
世有何功德利益答曰若稱阿彌陀佛一聲
即能除滅八十億劫生死重罪禮念已下亦
是

十往生經云若有衆生念阿彌陀佛願往生
者彼佛即遣二十五菩薩擁護行者若行若
坐若住若臥若晝若夜一切時一切處不令
惡鬼惡神得其便也

又如觀經云若稱禮念阿彌陀佛願往生彼
國者彼佛即遣無數化佛無數化觀音勢至
菩薩護念行者復與前二十五菩薩等百重
千重圍遶行者不問行住坐臥一切時處若
晝若夜常不離行者今既有斯勝益可憑願

諸行者各須至心求往

又如無量壽經云若我成佛十方衆生稱我名號下至十聲若不生者不取正覺彼佛今現在世成佛當知本誓重願不虛衆生稱念必得往生

變六

十六

又如彌陀經云若有衆生聞說阿彌陀佛即應執持名號若一日若二日乃至七日一心稱佛不亂命欲終時阿彌陀佛與諸聖衆現在其前此人終時心不顛倒即得往生彼國佛告舍利弗我見是利故說是言若有衆生聞說是者應當發願願生彼國

次下說云東方如恒河沙等諸佛南西北方及上下一一方如恒河沙等諸佛各於本國出其舌相徧覆三千大千世界說誠實言汝等衆生皆應信是一切諸佛所護念經云何

變六

十七

名護念若有衆生稱念阿彌陀佛若七日及一日下至一聲乃至十聲一念等必得往生證成此事故名護念經次下又云若稱佛往生者常爲六萬恒沙等諸佛之所護念故名護念經今既有此增上願誓可憑諸佛子等何不勵意去也

集諸經禮懺悔文卷第四

音釋

賒式遮切 算蘇買切
遠也 計也